

11月22日

朝課後審核政治經濟等提案，並研讀非洲地圖。

十一時邱吉爾首相來見，約談一小時，其間與夫人談笑不斷。彼首問余妻曰：你平時必想我邱某是一個最壞的老頭兒乎。妻答之曰：要請問你（本身）自己是否為壞人。彼答曰：我非惡人。妻曰：如此就好了。其言多為余妻所窘。

正午，霍浦金來訪，通知羅總統已到，約下午五時見。屆時往訪，一見如故，但其形態斜目而跛足，顯為陰沉深刻之政治家，自有一種不凡風度乎。余只問彼：赫爾已回華府否，及莫斯科會議成功之大表示賀忱而已。其後即茶會，馬歇爾與李海二參謀長及霍作陪。見夫人在茶會時之應酬與工作之辛苦，若非見此，不能想像其為國貢獻之大也。余甚少談話，約一小時後辭出。

晚課後為待明日會議日程與方式之通告未到，甚以邱等所說：此次會議一由英美參謀團擬定程序，而並未計及中國地位與提案為可怪也。由妻間接通知羅總統注重其事，乃知其深晚重新變更方式為中美英共同會議，但未另組提案會也。十時後睡。

11月23日

朝課後深覺史迪威所代擬之提案，甚為不妥，乃令譯者將其委派軍官指揮中美聯軍一條詳加更正，而且此案未先提商于羅，不應先提於會中，故阻止提會，上午幾乎為此憂慮不置。十一時到會，由羅總統主席，下午一時散會，情形尚不壞也，惟邱對余要求海軍應與陸軍同時發動之意見，尚有不能同意之表示，但會中全體人員皆已默認余之意見為不二之理，故無不為之動容。

下午又研究提案，重加修正，自苦不學英文，而又無英譯好手為困也。嗣後次第接見開山與中東部長哈利，又接見馬歇爾，其話長冗無次序，無重點，談至七時尚不能得其要領。七時半應羅總統之宴，直談至深夜十一時後告辭，尚未談完，相約明日續談，而今晚所談之要旨：

- 一、日本未來之國體問題。
- 二、共產主義與帝國主義問題為重心。余甚贊羅對俄國共產主義之政策，已得到初步效果為賀，惟希望其對英帝國主義之政策亦能運用成功，以解放世界被壓迫之人類，方能報酬其美國此次對世界戰爭之貢獻也。
- 三、談領土問題。東北四省與臺灣、澎湖群島應皆歸還中國，惟琉球可由國際機構委託中美共管。此由余提議，一以安美國之心，二以琉球在甲午以前已屬日本，此區由美國共管比歸我專有為妥也。

- 四、日本對華賠償問題。
 - 五、新疆及其投資問題。
 - 六、俄國對倭參戰問題。
 - 七、朝鮮獨立問題。余特別注重引起羅之重視，要求其贊助余之主張。
 - 八、中美聯合參謀會議。
 - 九、安南問題。余極端主張，戰後由中美扶助其獨立並要求英國贊成。
 - 十、日本投降後對其三島駐軍監視問題。余首言此應由美國主持，如需要中國派兵協助亦可，但彼堅主由中國為主體。此其有深意存也，余亦未便明白表示可否也。
- 今晚所談者盡此而已。

11月24日

本日朝課如常。畢，囑亮疇訪藍浦生，示意願與英國談政治問題，可由其介紹也。上午修正政治方案稿，正午馬歇爾來談，餐後將余對蒙巴頓計畫根本反對之意告之，彼甚動容也。惟聞下午馬在會場對我國態度不良，其實此人神態並無軍人本色也。

下午接見英國空軍各司令，傍晚霍浦金攜羅所擬此次會議聲明書草案，交夫人徵求余之意見，余完全同意，以其所言者完全照余昨晚所提議之要旨也，甚覺其對華之誠摯精神，決非浮泛之政治家所能及也。晚應邱首相之宴，在宴會中與夫人多談笑話，夫人更以譏刺對之。

11月25日

昨（廿四日）晚到邱寓後，宴會之前，彼即導余至地圖室，告余以攻緬時期及其海軍各種艦艇數字之大略。余問其海軍登陸時期，彼乃告余須待至五月間，不禁大失所望。宴後，邱又導余至地圖室，指示各戰區海陸空軍作戰之現狀。其實此等語皆為余所厭聞者，而彼乃津津樂道約有一小時之久，最後談至反攻緬甸時海軍登陸預想之各地點，而未肯明確告余，余亦不以為怪。日來已與邱相見已有四次之多，認定其為英國式之政治家，實不失為昂克爾塞克遜民族之典型人物，而其思想與精神氣魄以及人格，則決不能與羅總統同日而語矣。「狹隘浮滑自私頑固」八字盡之矣。

本日朝課記事如常。十一時邱與蒙及艾頓外長來訪，先談反攻緬甸計畫，余力勸邱提早其海軍登陸時間，方足以補救陸上計畫缺點之一部。彼雖未如前日之覆絕，然亦未能明許也。約談四十分後，即往羅寓照相。羅謙讓余坐中位者再，余堅讓不就，乃自坐其右側，邱則坐其左側，最後約夫人同坐，共照一相乃散。

11月26日

昨(廿五)日在羅寓照相完畢，客散後，余留羅寓與羅約談半小時，說明余昨日所提關於政治方案，乃為個人之意見書，供其參考，並表示余之意見如此而已。彼神態誠摯如前，毫無誤解。

下午四時再與羅談話，其要旨：

- 一、中美聯合參謀會議。
- 二、中美政治委員會。
- 三、攻緬登陸時期由羅保證提早。
- 四、發表公報手續。
- 五、第三個三十師之武器供給，由我自動聲明。

會談完時彼對余慨歎曰：現在所最問題令人痛苦者就是邱的問題，又稱英國總不願中國成為強國，言下頗有憂色。余覺其情態比上次談話時更增親切也。約談一時半回寓，乃與妻洽商對羅提議借款與經濟協助之方式及程序，研究再三，乃決由妻先於明晨單獨見羅試談其事，以覘彼之態度，然後再定進退與多寡之計畫。在此種重大事件之進行成敗榮辱關頭，惟有夫妻二人共商精討，庶不誤事，亦惟此方足以慰藉征途憂患之忱也。晚十時後睡。

11月27日

昨(廿六)日朝課畢，先見蒙，再召見美國空運有關各主管人員，擬定中國空軍補充機數與空運數量，情勢較佳，各主管禮貌亦較前恭順，聞由羅總統昨晚約會其所屬時，極稱道余之偉大所致也。正午宴金參謀長(美)，密交其日本今年造船計畫，並談太平洋今後作戰方略，以先接近中國海口為惟一要務。余聞此，頗慰。此來所見者，除羅之精誠可佩以外，惟金對余為最誠實最有益之一人。彼小年時早在中國服務，故對華感情亦佳也。

下午三時訪羅總統談話要旨：

- 一、借款與經濟危急之情狀，對其允予接濟與設法借款之好意表示感謝，以上午妻與其會商時，彼已允許大綱也。
- 二、談外蒙古。
- 三、談西藏。
- 四、再談海軍登陸日期。彼再允保證提早日期，惟邱一人尚未同意而已。

談至四時半，邱與其外長艾頓及王亮疇、賈德幹皆到會。彼等所修正之公報，最後結果如原稿，乃即由艾頓在會中朗誦一遍，三人同意，即通過，惟須待羅邱與史大林由德黑蘭會談完畢，再約期公佈。余見之，乃即與羅總統作懇辭道別。

五時後回寓茶會，約英美隨從要員作應酬也。七時見希臘政府總理，盛道其國王對余感慕之忱及不能面晤之歉意，此乃實情也。八時約霍浦金晚餐，談至九時半，辭去。余表示此次世界大戰如非羅之政策與精神，決不能有今日之優勢，英與俄皆無法挽救，故余惟佩其人格之偉大也。

今日妻自十一時往訪羅商談經濟以後，直至霍去。在此十小時間，幾乎無一息之暇隙，而且其時皆用全精全神，未能有一語之鬆馳，故至十時已疲乏不堪，從來未見其有如此情狀也。彼目疾而兼皮膚病癢痛，誠非常人所能勝也。

11月28日

雪恥 昨(廿七)日九時，北非英、美聯軍總司令「愛森豪」來見，約談三刻時辭去。召見隨員會報，準備回程。又見史迪威後，記事。正午約駐埃及美公使聚餐，下午二時起遊覽埃及古蹟，先到金字塔，再到人像石及古石室，其石料之大、建築之固，殊為罕睹，此即緯兒往日所說之古迹(蹟)也。繼遊開羅東南角之各回教堂，而今王之祖之教堂，其莊嚴偉大，誠所罕見，我北京天壇亦未能及也，其地為一舊城，乃開羅全市之制高點，遙望全城形勢，周圍百餘里之各種地物與多數教堂、金字塔，皆歷歷可睹，聞古為王宮，今乃駐紮英軍矣。繼到大墓地，名為死人城，初入其境只見平房壘壘，家家門戶緊閉，冷落蕭條，不見人跡為怪，後乃知此種平房之內皆墳墓也，並無居民，其地範圍頗大，亦有古教堂在也。繼到開羅舊城，其城磔(堞)構造彷彿如我國，其城內居民生活與街巷方式，卑污狹窄，一如我往日之上海城內也，而與其現在之新市場相連，不禁興上海租界之念。見其憲警對於民眾之鞭撲酷虐，亦無異上海巡捕之狠毒，可慨焉乎。遊覽既畢，乃乘車便道視察埃及使館後，回寓已六時餘，入浴休息，手擬宣傳綱要。八時埃及王派其內大臣代表來見，表示其對余仰慕之忱，病中不能晤面之歉忱，觀其意，殊有依戀不忍言之感，約談半小時辭去。我訪英適過此，雪艇來會。晚餐後，靜默禱告如常，夫妻共同虔謝上帝之保佑後，十一時半由開羅起飛回國。

本(廿八)日。昨夜在机上甚好睡，今晨八時起床，除朝操停止外，其餘朝課如常。正午十二時半到克拉蚩，而印度時間已下午五時矣，仍住於前來之原處。與妻散步於海濱後，乘車巡遊市區，仍一上海式之街市也。回寓，晚課畢，聚餐。日間與夜中看梁著之自由談，手不釋卷。

在開羅遊覽古迹，所到之處如右。

November 27, 1943

Places visited in Egypt

1. Grent Pyramid
2. Sphinx
3. Temple of Sphinx
4. Second Pyramid
5. Sultan Hassim's Mosque
6. Mosque of Mohamid Ali
7. Citadel
8. Sultan Bakouk's Mosque, City of the Dead
9. Gates of Cairo

上星期反省錄

一、本週在開羅逗留共為七日，乃余登外交舞台之第一幕也。其間，以政治之收穫為第一，軍事次之，經濟又次之，然皆能獲得相當成就，自信日後更有優美之效果也。此次各種交涉之進行，言論態度與手續，皆能有條不紊，故其結果，乃能出於預期之上，此其間當有二因，其一為平時之人格所感應之效，其二為余妻洽助之力，而其為余任譯與布置之功更大，否則當不能得此大成也。東三省與臺灣、澎湖島為已經失去五十年或十二年以上之領土，而能獲得美、英共同聲明，歸還我國，而且承認朝鮮於戰後獨立自由，此何等大事，何等提案，何等希望，而今竟能發表於三國共同聲明之中，實為中外古今所未曾有之外交成功也。然今後若不自我努力奮勉，則一紙空文，仍未足為憑爾。其將如何自強、如何自勉，以將來和平會議中，關於我國最艱難之問題，最重大之基礎，皆於此開羅會議之數日中，一舉而解決矣。

本星期預定工作課目

- 一、中國如不有此次抗戰獲得轉機，則此後永無解放之日。
- 一、中國人才貧乏，三十年內無法取得平等地位之所感。
- 一、東方民族之智能與現實所感之記錄。
- 一、此行關於英國統制世界現實情勢之所感。
- 一、軍事、內政、財政、經濟、對俄、對共政策之總檢討。
- 一、關於遠征軍之準備。
- 一、補誌日記。
- 一、電謝各處招待。
- 一、對內宣傳綱要。
- 一、檢討開羅會議各案與實施之準備。
- 一、乘机反攻宜昌之方案。
- 一、指導常德保衛戰爭。

11月30日

雪恥 今晨一時半起床，三時由克勒蚩起飛，八時後抵「藍溪」，蒙巴頓來迎。先在旅館早餐後，即驅車至「藍伽」，約一小時之後到藍伽。先至史迪威指揮部，然後至軍部視察營房後，到戰車訓練場，繼到炮兵射擊場，視察實彈射擊後，已將下午二時。在指揮部新設俱樂部會餐畢，即到操場對駐藍伽官兵萬餘人訓話與閱兵畢，再到軍部。與鄭洞國軍長談話，得悉內情，史迪威對於鄭軍長，視若傀儡，不予以絲毫指揮之權，亦不令其到「力多」前方，指揮其所部，其他諸事亦多可痛者，惟我之官長，精神體態與學術皆不如人，平心論之，實無法與人爭衡。古人謂無競惟人，在此二十年以內，若不積極培養體力，訓練人才，則國家更無平等可期矣。言念及此，不禁憤愧無地，如何培植此後進人才，為國吐氣揚眉，以求得民族真正之解放也。五時回藍溪機場，待緯兒到後，即同机起飛。

本月反省錄

- 一、開羅三國會議(與共同聲明之發表)之成功。
- 一、對於軍事，因循苟且之習氣漸深；對於外交，患得患失之鄙見未淨，此時對於外交，不能有完全自主獨立之道，固非運用互利不可，但對於軍事，正可主動積極進行，奈何亦如此粗疏忽畧，而不能自強耶。
- 一、此去埃及所經各地最大之感想，為英國在世界之勢力強固與遠大，得睽其一般，而以亞、非二洲如此難馴之回教國民，皆使之服從聽命，實為其不可思議魔力之尤者，不能不令人驚佩，東方各民族欲求反身獨立自由，言之何其易也。此後中國如再不能乘勢自強，尚何能拯救其他各民族耶，而各民族之獨立自由，亦絕對無望矣。奈何。
- 一、無競惟人，中國人才絕無。若在此三十年內，人才教育未能生效以前，決不能與英美躋於平等之域，更可於此次開羅會議中，獲得明切之教訓。國人夢夢，侈談平等獨立，猶不知自求其所以不能平等獨立之病因，無恥妄念，言之可痛。
- 一、開羅會議之經驗，無論軍事、經濟與政治，英國絕不肯犧牲絲毫之利益，以濟他人。對於美國之主張，亦絕不肯有所遷就，作報答美國救英之表示；其於中國之存亡生死，則更不值一顧矣。是以羅總統雖保證其海軍在緬甸登岸，必與我陸軍一致行動，余明知其不可能，而姑且信任之，并不願以英海軍如不同時登陸，則我陸上部隊亦停止行動之語，出諸吾口，以為其他日推諉之口實，故毫不躊躇而漫應之。然而緬甸反攻時期，此心斷定，其非至明年秋季，絕無實施之望也，

英國之自私與害人，誠不愧為帝國主義之楷模矣。

- 一、以羅斯福此之言行，及其國民一般之言論與精神，確有協助我中國造成獨立與平等地位之誠意也。
- 一、本月大部精力準備開羅會議之計畫與提案之方式，慎重斟酌，不敢掉以輕心，幸無貽誤，此為一生事業重要之一也。
- 一、清代學術概論看完，美國務院白皮書重看第二遍亦完，途中且看梁著自由談亦完，近來求知與好學之心，較前亦切矣。
- 一、倭寇在湘西積極進攻，已足一月，其目的在常德也。
- 一、美軍在布根維爾島及吉爾貝達羣島先後登陸，皆能達成目的。俄國亦克復基輔矣。
- 一、倭寇在月初召集其所謂大東亞會議，偽滿、菲、泰、緬、印各傀儡皆應召到會，以其主子東條之命是聽，亦此次戰爭中東亞之一醜劇與汙點，不可不記也。

12月4日

昨日一發表開羅會議公報以後，中外輿情無不稱頌為中國外交史上之空前之勝利。寸衷唯有憂懼而已。

12月31日

雪恥 今日但覺心神恬澹，俯仰無愧，誠人生之真樂也，精神品性更比去年進步矣。

本日除夕。上午修正元旦告軍民書稿，正午見英國駐印軍突擊隊長「溫克別」者，說明其在壘允附近，使用遠距離突擊隊之計畫，其言甚動聽，乃令其與蔚文主任具體擬定書面，報告候核。晚間詳察其書面報告，仍以我保山與列多部隊擔任前進，而彼英國在欽德溫江之軍隊，仍未提及，未知英人究欲我華軍單獨犧牲，於彼究有何利益也。可歎。

下午修正元旦告各級政府書，直至七時半灌音時方畢。廣播灌音後，與妻在室中對餐，以經兒應孔家之宴也。晚與經兒談話後，記事，傷風漸癒矣。

舊曆十二月六日為盛之生日。

本年原印日記本以紙張不良，故將卅一年所餘留之日記本，改修為卅二年本也。中正。

本月反省錄

- 一、家國憂樂頻發，而心神自得，每以反省無愧，引為自慰，但得失之心，尚未能掃除淨盡耳。
- 一、自羅斯福電稱攻緬展期之後，一面又來催促我派兵出擊，協

助蒙巴頓作戰，而蒙則視戰事為兒戲，以吾人為可欺，種種欺誘強制，必使我軍從其所欲，單獨犧牲，然後方安其心。英人用心狡險已極，若非示以至誠與決心，則必為其所陷害矣。本月以此事為成敗最大之關鍵，卒能自主不惑，未為所動，幸甚。

- 一、開羅會議公報如期發表，軍民精神為之一振，此乃為國家百年來，外交上最大之成功，又為勝利重要之保障，是卅年苦闢之初效也。
- 一、常德二失二得，湘鄂之戰至本月杪，亦恢復原有態勢，軍事已轉危為安矣。
- 一、美軍在新不列顛島登陸成功，美軍越島進攻之戰畧已見大效，倭寇此後必更難為繼。「麥克阿塞」之計畫與見解，皆先得我心，彼對英人之心理與手段狡險難信一點，殊勝羅一籌矣。
- 一、物價高漲不已，軍政因循不振，殊足憂惶，但各種軍務近月來親自督促考察，如徵兵運輸與補充，皆比前已有進步，然此非根本之計耳。
- 一、重要人事皆未能如期發表。
- 一、對共匪放鬆一步，示以寬大。二、對四大銀行之改組方鍼決定。三、對反攻緬甸決心展期，此乃本月最重大之政策，不有決斷，何以致勝。
- 一、俄、捷同盟成立，英國對東歐政策轉趨消極。